



7. maj 2015

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit Ikkap Kangerluani enzymit pillugit:

1. Ikkap kangerluani enzymit niuerutigilerniarlugit qinnuteqaatit tigusimasat suliarinerat sumut killippa?

2. Enzymit iluanaarniutigineqalerpata akileraarutitigut (inuit akileraarutaasigut ingerlatseqatigiiffillu) qassit iluanaarutigineqarsinnaassasut Naalakkersuisut naatsorsuutigaat?

(Inatsisartunu ilaasortaq Tillie Martinussen, Demokraatit)

Tungavilersuut:

Inuiaqatigiit inuussutissarsiutinik nutaanik sakkortuumik amingaateqarput, sullivinnik pilersitsisinnaasunik Landskarsimullu iluanaarutinik.

Qissiminneqarneq ajortunut ilaapput enzymit Ikkap Kangerluaniittut. Enzymit taamaattut errorsinermi qaqorsaadini atorineqarsinnaapput aamma misissuigallarnert takutippaat, Ikkap Kangerluani enzymit napasut sakkortunerusut pitsaanerusullu allanit enzyminit pissarsiarineqarsinnaasunit.

Tamatuma saniatigut enzymit aamma inunnik immummik sapingaqartunik iluaquisiinnaapput. Ilisimatuut marluk periutsimik nassaarnikuupput, saffiugassank immikkuullarissunik immuit puuinut ikisisarlutik taamaasillutillu immuup sukkaa peertarlugu, inuppasuit sapingaat.

Allatut oqaatigalugu Ikkap Kangerluani enzymit iluanaarniutigineqarsinnaalluarput taamaattumik soqutiginassaaq paasissallugu Namminersorlutik Oqartussat qinnuteqaatit tigusimasaasa suliarineri sumut killissimanersut.

Tassunga atatillugu pingaaruteqarpoq ilanngutissallugu, enzymit nunarsuup ilaani allani aamma nassaarineqarnikummata. Taamaattumik isumaqarpunga naapertuutissasoq nunami maani tunisassiorneq sukkanerpaamik aallartinneqarsinnaasuppat.

Apeqqutit akeqquakka ullut suliffiit naliginnaasut qulit iluanni.